

臨晉縣志 下篇 職官



下篇叙

上篇為教養為志風俗成  
為禮儀成節之以禮儀祀  
為禮儀之大設繫之以秩  
祀羣祀成民而致力於神  
責在令尹而已師儒佐之丞

臨晉縣志

下篇

叙

一

尉又佐之雖武弁亦分城守  
責焉文武備而有造舉選  
舉真而有封蔭皆志人物  
也地以人傳於是乎古蹟  
由古而今於是乎沿革沿革  
因乎世變災祥應之灾祥



在乎一方之音聲之是謂  
六篇

臨晉縣志

六篇

叙

二

下篇目次

廬江王正茂纂著

受業太谷杜昌炎

陽城李誥

全訂

風俗篇

禮儀篇

秩祀篇

羣祀篇

令尹篇

師儒篇

臨晉縣志

下篇目次

卷二

丞尉篇

武備篇

選舉篇

封蔭篇

古蹟篇

沿革篇

災祥篇

方音篇

風俗篇

冠昏喪祭俗所謂至大禮也冠禮廢久矣婚禮風不同而臨尤異詩書之家猶可已細民論財有指腹者有割襟者有慕富者有攀貴者要皆非禮也其使人心悔者則婚不用冰人竟於男女生年日月不相知一言之約似戲似禮後不免起訟甚者女他適而男強逆之自以為原夫也一女二夫可乎男欲歸已醮之女廉恥道喪矣余示禁之並取古士昏禮併六為三俾易行也其始曰納采問名男主人酌使者即今所謂

臨晉縣志

下篇

卷二

一

媒也書曰某頓首拜懇婚男之生年月日皆書授使者採用雁無則以麩為之使者至女家授男主人所授女主人答書曰某頓首拜允姻女之生年月日皆書授使者使還致男主人主人納拜其繼曰納吉納徵男主人禮使者如女家告吉若衣若笄若幣若珥厚薄視其家以禮毋奢女主人受而酌之亦視其家臨之聘必以銀率二十四兩或有上下焉貧者不能贖每愆期當禁也其終曰請期親迎男主人禮使者致詞曰某日吉將親迎敢告女主人諾父醮子而迎女主人

敬具而須壻奠雁再拜以女歸揖入同牢而食乃醕  
酌畢用鬯厥明廟見拜父母舅姑饗送婦者凡此皆  
便俗易行雖不盡古亦亡於禮者之禮也他若婚之  
日戚友強壻與女傳杯曰賀新郎翼日拜鄰里曰看  
親昧昏禮不樂之義而喧以鼓吹載以號呶當盡儉  
之臨人之喪將絕沐浴拒以巾不屬纊不號復徹襲  
衣加新衣既絕飯含主人哭踊室皆哭親賓至爰主  
人不逆稽顙小斂不紼不絞復衣無算男女奉尸夷  
于堂大斂復衾無算棺實棉代紼絞也首必枕又寔

臨晉縣志

下篇

卷二

二

以杖齒

即死者所落之杖也

其即寔髻爪之意與設靈床

主人奉尸殯于堂成服主人斬衰苴杖親屬以次降  
卜葬渴也未葬祭奠無算哭無時將葬擇啟期營兆  
宅延弔者親賓有奠賻葬之前日晡設奠族戚致奠  
主人哭踊無數婦人爵踊傷動尸也傷舉柩也傷死  
者之不可徼倖復返也哀之至也厥明遷柩就輦無  
遣奠奉魂帛木主於靈車有引有旌親賓送不避淖  
至壙祀后土題主於靈幄邑俗請顯者賓拜辭歸乃窆主  
人哭踊無數哀親之在外也封窆以碑士大夫有誌

銘迎精而反祭於殯宮即停所為古虞祭乃祔古者虞

哭乃祔非禮也予令改之間有廬墓者臨人以孝子舉

為嗣是而練而祥而禫皆如制無易斬衰者此臨俗

之厚也其寢苦枕塊不飲酒食肉不御內終喪必盡

其哀則視其人或有父母繼歿展喪期者曰嫺以前

喪為後喪也雖禮無據亦孝子心或曰禮以義起近

是耶期之喪大功小功緦麻皆以次降禮禮有之士

庶人得祀其祖父母父母於寢邑俗族必有廟無廟

薦於寢寒食暨十月朔祭期也中元亦有祭者此古

臨晉縣志 下篇 卷二 三

時薦之義歟寒食更往拜於墓哭新墳十月朔焚紙

衣為送寒衣其霜露悽愴之意歟忌辰祀於家忌日

必哀之意也生辰亦祀焉余以為臨之喪祭不盡合

然非若昏禮之濁亂喪能戚尤可尚予定昏禮而喪

祭從其俗焉惟富家治喪誦佛經演佛劇為失之耳

然近世通行戶說不能化也

士農工商成俗之人也臨士性懷急尚氣節絀浮華

橫經者必負耒風古矣縉紳引以為笈者非姿多俊

質而不野惟專時藝圖小試經傳子史不觀焉是被

服於成俗耳予拔諸生之尤者於桑泉書院月程之  
其竒警拔俗則李士瑾冲雅宜人則荆麟兆希踪古  
境則荆廷漢秀茁時蹊則張曰珠清思健舉孤調別  
彈則李自牧李若拙其他翹然穎豎者不少焉夫文  
中子長敬軒月川在茲矣使諸生以文貫經史見道  
德古人豈遠哉可訾者士泮游鄉舉宴賀喜消耗貧  
者抗弊生產或貫貸累終身愚而自苦此不知何也  
農勤稼穡地薄寡積聚先富有後推讓太史公所謂  
富什則卑之伯則憚之者也尚鬼淫祀鬪者交質於

臨晉縣志

下篇

卷二

四

村之神釀錢歲課息亦以奉神也性剽易怒好氣不  
任俠務纖儉矜慎忤黠者雕捍少慮壑慄為媿敗始  
悔是在牖以思也土木金石之工取疑惡蔽尚廉棄  
澤不刮不琢不削不髴強為之非敝則惡故器求巧  
必遠方購之商逐貨於遠者無幾四方之貨亦罕至  
重僦載也其在本邑大者繩鐵牛羊小者販脂賣漿  
之屬故以末致財者少其富羨者殫財後貧出小貨  
令貧者管固以人與貨較分微有虧輒訟罕質劑或  
更無簿籍拾帑偽書之且濫以要官緡算故性褊者



置不理不則以尉掾理之助富而已尤悖者富人瘡  
困害億幸歛糶騰為熒熒毒駟僧屠沽狡而蠹皆當  
懲也

元旦雞鳴起振竹爆焚柏葉以辟惡祀神及祖啟戶  
卑幼拜尊長次拜親屬曰拜節五日帚扱糞壤箕而  
出之曰送窮或棄敝衣一也上元燃燈無海鰲雲鳳  
之觀南油西漆目滿焉女夜遊不禁如放夜然又曰  
遊百病一遊而百病可除也此遊女詭詞耳十六夜  
女遊更甚十七夜熄燭謂避鼠嫁無稽已二月五日

臨晉縣志

下篇

卷二

五

雜五穀為糝祀先燃豆令燐起曰智惡人目剪帛於  
門為輪曰擎惡人腦雖謔亦警俗清明縛鞦韆童婦  
罷業曰作業者育偷間者悖說也四月一日男女戴  
皂葉曰已頭痛端午戴艾葉曰去疾飲雄黃酒曰避  
毒以菰葉裹粘米食之曰角黍兒童繫五色絲於項  
腕曰龍蛇不蜚又為屈原蛟龍故六月六日女新適  
人者母家歸禮焉七夕女子以生麥豆蘖乞巧刻瓜  
為花瓜或為游針戲其不經者布裏幼女頭令小兒  
鳴鼓鑼使穿鍼整線度巧或驚悶死當罪父母中秋

遺瓜餅取圓如月又為迎壻節九月九日食棗糕毋  
家饋女冬至拜師長臘月五日食五色煮豆曰豆者  
毒也食之已五毒八日煮粥獻先臘祭也二十三夜  
祀竈獻糖瓜欲粘其口曰見天無言是非是侮竈也  
竈怒訴於天奈何自茲後七日嫁娶不擇吉日諸神  
在天無禁忌神在天即不問下土事無貴神矣除日  
圖鎮殿將軍像或書神荼鬱壘或書灑貼門驅魍魎  
魍魎何易驅即是夕老幼男婦具酒饌釀飲凡此歲  
時節令皆俗所競尚也他若飲食麥為糝次穀黍稻

米罕食也羊豕雞鶩延上客不兼富家饜蔬菜葱蒜  
不撒秦椒尤食不厭以地高井深少園圃也飲無佳  
釀俗所謂火酒黃酒柿酒而已衣服少裘葛無冬夏  
士民皆着大布衣予謂臨之俗勤儉有餘而禮不足  
奢示儉儉示禮躬化謂何也然使不以禮而矯儉以  
奢甯儉已

禮儀篇

禮以時為大今之禮儀皆變通於古者也以蕞爾邑欲民盡知禮難已然因時量地使無乖謬守土責也次第布之俟君子曰朝賀禮恭逢

聖壽冬至元旦縣尹率師儒僚屬於朝賀宮如朝班三跪九拜班坐移時肅退敬至尊如入覲也曰蒞任禮始至城鼓用牲于門拜入重保鄣也達署拜儀門敬官守也將升堂陳印三跪九拜戴

聖恩也升堂胥吏皂輿以次擊跽謹始事也次日謁廟視

臨晉縣志

下篇

卷二

七

學歷城祀竈禮畢釋朝蟒親政曰賓興禮省試屆期延諸生於堂降階迎官師正坐諸生以次旁坐笙鼓具舉獻酌者三諸生揖退送之降階一等如賓主禮重士也曰救護日月禮古者昏迷天象有誅儒者謂日食為天變之大前期設素露臺燃燭焚葢金鼓備舉此瞽奏嗇馳之遺也鼓不用牲此天災有幣無牲之義也初食正官率屬素服擊鼓三九拜規旋三金鼓隨旋食甚如初禮復圓朝服九拜金鼓止肅退曰迎春禮立春之日正官率屬迎春於東郊祀句芒逆

土牛黎明旁磔送寒而遶陽也曰射禮今之學宮尚  
有射圃士大夫因射角飲少揖讓之遺所謂戲射也  
夫射以擇士其禮委曲繁重人難之矣因撮大旨存  
焉將射立司正司射主人獲者中則唱獲弟為之備弓矢設  
解福福制無傳即今迺速賓賓入揖主人答揖司射  
洗解東榮獲者陳福於中庭迺比三耦或二耦一耦  
司射唱曰毋射獲射中毋獵獲射旁司正為司馬射  
為司戒曰毋凌負毋伎勝毋失次毋呶飲渝者罰司  
射乃請射賓曰僕固未能也主人揖賓賓答揖衆皆

臨晉縣志

下篇

卷二

八

揖賓三揖三讓升階迺執弓搯矢乘發降階揖衆賓  
以次升階禮如初迺揖主人射主人辭曰某固下射  
不敢與賓抗賓揖之固請主人三讓三揖迺升階射  
降如賓禮每獲必唱舉旌獲者為之今則以勝者揖  
負者飲負者迺升堂自取解立飲復位揖勝者勝者  
答揖卒射行燕翼日賓拜賜主人息司正夫古州長  
習射於序先行鄉飲禮予將於鄉飲之翼日或蜡社  
餞後與庠生比耦馬非敢云禮雍射圃可也曰鄉飲  
酒禮今通行者也然介賓必擇富人以賄也胥吏謀

燄炮翟賤者亦索役值故瓌望碩者多避之臨俗  
之飲也唱饌飲之外無他事坐次酌酢置弗講饌具  
皆賓介自為俎未及徹皂與優繇攫食而狼籍焉噫  
此非禮之不振也官之不振禮也予以為賓介浮費  
宜盡汰之有費則官償官費一二人省什伯也如此  
則賢者願受其禮矣其將飲也主人謀賓介迺戒賓  
及介設席陳器具速賓賓至主人迎賓入庠門介及  
衆賓隨三揖三讓升堂拜至主人位於東南僕位東  
北大賓位西北介位西南僚屬序爵坐西向耆老儒  
士序齒坐東向誦讀律令起揖主賓以下皆揖主人  
洗爵獻賓賓酢主人主人洗爵酌賓賓奠觶不舉主  
人又獻介介酢主人主人不酬主人又獻衆賓衆賓  
不酢賓主皆坐工歌主人獻之吹笙主人再獻司正  
舉觶賓取觶酬主人主人酬介介酬衆賓凡坐者以  
次相酬謂之旅酬又使二人舉觶於賓介賓介皆奠  
觶迺徹俎與易朝服主賓三跪九拜望

闕謝恩禮畢行燕爵無算主人拜送明日賓拜賜主人  
息司正此禮之成也夫禮所以和神人辨上下定民

志也臨之俗尚儉不尚禮因晰以示之他若冠昏喪  
祭皆從俗而正其謬故紀之風俗

秩祀篇

文廟春秋仲月上丁肇祀啟聖詣至聖陳牲列俎豆

聲鏞鼓迎神三跪九拜樂作奠幣工祝三宿三祭三

咤三奏亞配哲齊受膳徹饌送神亦三跪望瘞樂闋

樂章舞器卒乃宅祀東西廡祠祀有差名宦鄉賢北

東惟武廟筮日前用戊日上祀已祭三代正祀跪拜獻

如文廟禮達于壇唯社事暨稷春秋祈報壇壇方五

十尺崇三尺三級垣衛風雲雷雨山川為一壇壇在南

階方潤二丈五尺高二尺五寸城隍配城隍設祭於壇

臨晉縣志

下篇

卷二

十一

之意於此司嗇雩宗皆于壇祀春夏先農壇今為廟在

之雩厲壇歲三祀魯在北郊外高二尺五寸濶二丈

膾典通蜡索于廟廟在東郭外古者十月

羣祀篇

臨俗尚鬼崇祀然而鬼非其鬼祀非所祀也百室之里三家之村無不有廟歲時享賽拜跪無常儀饗獻無常數廟會則婦女老幼什百為羣禁之恐弗戢因取廟祀所由來條晰之欲士大夫各導其鄉正則致其虔淫則謹其黷庶虫蚩者有覺乎曰玉皇廟北在縣里姚隋立園邱冬至祀昊天玉帝玉皇之名始此與果爾非民所宜祀也太平廣記云木公為東王公號玉皇君此道家說曰五帝廟城在北帝王之祀也毋僭

臨晉縣志

下篇

卷二

十三

曰岱嶽行祠在縣東郭門內古者諸侯祀境內山川岱嶽在

齊魯間此曷廟焉或云泰山天帝孫東方萬物之始

主人生命為四嶽宗或云岱者代也陽春用事除故

生新代之義也於時為青帝為歲星之精歲星所在

福隨之行祠云者欲以祠邀福乎曰火星廟在縣南郭外

朱鳥為火星張翼宿也曰真武廟縣郭本元武避

廟諱也北方有元武七星故名塑龜蛇像取似虛危

也陸稼書以為元冥水神昔金天氏有裔子曰昧為

元冥師生臺駘臺駘能業其官於晉故為汾神然則



汾水豈經北解哉曰后土廟在縣北后土為共工氏

之子祭法曰社也左氏以為勾龍漢武帝立祠汾陰

成帝於此祈嗣汾陰故近地即榮今遂沿以為俗如

祀高禘者然三月十八日俗傳為神誕士女駢集為

祈嗣故曰三官廟在縣北道家以天地水為三元三官

豈此歟曰文昌廟在縣鐘樓上世謂之梓潼帝君姓

張名亞子自越雋徙梓潼唐元宗幸蜀封神左丞宗

元祐封文昌司祿帝君子考天官書斗魁六星為文

昌曰上將次將貴神司命司中司祿周禮太宗伯以

臨晉縣志

下篇

卷二

三

禋燎祀司中司命然則文昌天神也古者季冬畢祀

天神地祇今貌像之豈天神可像耶士大夫謂文昌

主科名以二月三日為神誕醵錢為文昌會非以文

字相課也飲酒號呶戲謔焉耳噫不知誦詩讀書而

祈福於神謬已况藉此以博戲乎曰白龍王廟在縣西

里白龍不知何許神而今以祈雨古者祈雨於風伯

雨師名山大川境內功德在民者五龍廟九龍堂之

所皆起自宋臨乃謂漢高祖渡河擊魏豹有白龍現

故邑有白龍王廟非余所知也曰風伯雨師廟在樊村

今南壇祀之已曰馬王廟在縣署右為天駟星古有是祀

也曰藥王廟東西兩俱有祀古之黃帝岐伯雷敷春秋之

盧扁鵲漢之淳于意張仲景華陀晉之王叔和葛稚

川皇甫士安唐之韋訊夫醫足以濟生靈弭災厲千

古下猶樂祀之况深仁厚德普被蒼生者哉曰晉文

公廟在邑之婆兒村土人謂晉文公距秦兵駐此又

謂文公道乏食有老嫗餉之因以婆名村予思文公

教禮示信臨人至今俎豆焉儒士動言黜霸吾不知

令此土撫此民者功德視霸者何如也曰九郎廟在大

臨晉縣志

下篇

卷二

古

陳村不知何以名或曰韓山有九峯神在韓故名予姑

舍是惟詢其在廟之神則趙文子公孫杵臼程嬰昔

人謂河東趙氏祀先並祀程嬰杵臼此豈其遺耶夫

二子之事畧於左氏而詳於史記祀趙氏而無二子

為趙氏報功也然則趙氏於臨何功曰有之昔文子

相晉七年再合諸侯三合大夫議者謂其重得楚志

然而師徒不頓國家不罷天無大災民無謗讟大河

南北俱受其弭兵息民之賜其功豈眇哉邑值旱禱

於其廟官吏俱往民則以韓山為神所棲不遠數百

里以面掩地而往祈焉謂非仁愛之心有可以千古

者耶曰忠孝將軍廟在丁村土人云申包胥赴秦乞師

率兵五百過其村暘死今尚有五百人塚其曰忠孝

者以包胥忠於楚亦能孝也曰二侯祠在縣偏謂蕭何

曹參也夫蕭曹於治天下之道固未嘗奉教聖賢然

刀筆吏能收圖籍尚清淨亦千古所罕矣今之崇二

侯者胥吏也曰三義祠治在縣前以劉關張結義而並祀

之考三國志稱先主與二人寢則同床息若兄弟桓

侯傳又稱關長於張數歲飛兄事之結義之事未聞

臨晉縣志 下篇 卷二 十五

然今所祀者以其義也傳聞可以不辨曰北平莊武

王廟在樊橋鎮唐馬燧也史稱燧沉雄忠力元大德八年

建廟於此蓋以燧曾為河東節度又為河東副元帥

云凡茲廟祀崇其正不及於淫雖不能盡合典禮而

誣罔甚者毋得耗弊其財亦救時之一道也若夫釋

迦鍊師所棲沙門羽客所奉正史闕如名亦不可勝

紀予取舊志槩從畧焉或曰民之拜伏於土形木偶

者至矣華衮斧鉞不足為勸懲而象教足傲之予曰

狄梁之毀昌黎之焚予豈敢為哉損淫祀之費而存

其廟可也通真觀城內東南隅西閣聖壽寺觀東郭門  
五里藥師院城內東南隅西閣聖壽寺觀東郭門  
 內壽聖寺縣西北二十五里角林村嶽山寺縣東北  
 三十里大嶽山嶽延寺縣北二十里  
 縣東北十五里亭東村敷德寺縣東北二十里  
 霍村小寺野豬寺縣東南二十里野豬村下趙寺縣  
 東十五里趙村宏法寺縣東南二十里南觀底村  
 廣聖寺縣東南三十里內和村

臨晉縣志

下篇

卷二

令尹篇

為令尹難為臨之令尹尤難為臨今日之令尹尤難  
晉之南當孔道者凡二十州縣臨為瘠置頓倍難於  
他邑其尤難者在昔臨虞未分地瘠者半沃者半且  
地廣戶稠芻馬餼牽之購猶易爾今則水葦之壤盡  
析於虞邑皆燥壤時以旱為憂間嘗遠周莽篋之野  
近矚昧冥之郊聚落無多室皆如磬撫尚未有豸也  
况擾之乎然而道路之修平車馬之儻載得毋尚有  
需民力者耶余自痛益為民痛因思向之官斯者其

臨晉縣志

下篇

卷二

七

於予憂樂何如也爰集其姓氏里居彙為令尹篇唐

宋以前莫考已其在唐曰縣令可知者豆盧器開元

后相欽望孫劉行忠開元虞鄉令張圓元和年郭曼

見宰相世表虞鄉令子儀六世凡四人宋有樂沆至和年虞鄉令

陳庸嘉祐年俞克治平年王靖元豐年劉霆元豐

鄉令見王鄭師甫重和年虞鄉令錢唐宣和年虞鄉

官圖集集凡七人金有晁會皇統王德瑜明昌年虞鄉令田

世英興定年凡三人宋金皆因唐制稱縣令元曰縣

尹立達魯花赤監之有也先海牙延祐年忠翊校尉

見晉文公廟碑

都的見延祐年忠翊校尉禿刺出泰定年忠翊校尉速

安脫忽里至正年承事郎四人皆監縣尹者也尹則

有許榮至元年敦徐禎承事郎李與忠泰定年承事郎黨若

濟至元年吳天麟縣堂東碑李潤澤至元年微事郎見

凡六人予讀元史世祖用五事課守令以勸農繫其

術時良吏班班可見自中世以後循良之政史氏弗

紀故時代雖較唐宋為近其守令已不可得詳噫嘻

廢亂如斯不亡何待明太祖懲元季縱弛作執秩以

正官諭曰天下新定百姓財力俱困惟廉者能約已

臨晉縣志 下篇 卷二 六

以愛人貪者必賸人以肥已大哉言乎吏治煥然丕

變矣下逮仁宣澄清者復百餘年英武之際雖內外

多故而國不傾亦由吏鮮貪殘故禍亂易弭也以臨

考之在洪武則有若郭彖孫集寧海人倪冕鹽城人在永

樂則有若李讓海豐人在宣德則有若閻鐸滄州人趙固

咸寧人張黯武城人在正統則有若郝璵武陟人徐紀慈利人

盧淵灤縣人在景泰則有若張平濟寧人王恭邠州人在天

順則有若趙訥淄川人李驥涇陽人在成化則有若鮑孜

重慶楊璘莊浪人毛鳳來西平人張安環縣人在弘治則有

若李煥杞縣人 劉紹宗武城人 王鑑安定人 劉洋上蔡人 在正

德則有若許鑑靈寶人 劉錫浙川人 任恩南宮人 蔭銓陽武人

丁守中慶陽人 自洪武以迄正德凡二十有七人易前

代令尹之名曰知縣知縣者謂其知縣事也知而不

知名將焉附嘉隆以降資格重科甲縣令多以廉卓

被徵梯取臺省而龔黃之治鮮矣其令於臨者則高

仲福三原人 焦子琳滋陽人 孫恪信陽人 王九思膠州人 張舜

臣章邱人 何時昌咸寧人 關治教泰安人 王顯忠保定人 進士

李易齊東人 蕭九峰三河人 李世藩臨城人 王嘉祥莘縣人 韓

臨晉縣志 下篇 卷二 十九

可教藥城人 閻漳蓬萊人 李繼三原人 凡十五人皆嘉靖時

令也黃茂武昌人 史邦直樂陵人 程愔朝邑人 三人皆隆慶

時令也神宗徵發頻仍海內騷然為之令者蓋亦憊

矣當時在臨之令則張燮晉州人 王毓陽綏德人 劉卿全州

進士趙岸熱河人 王化蘭州人 吳崇禮宜陽人 李呈瑞咸寧人 楊

廷愛定州人 王國楨咸寧人 張羽翹泗水人 高惟崗神木人 朱

堦固始人 葛如麟德平人 楊名顯富平人 葉萬禩山東人 凡十

五人天啟時則有陳韜光山人 秦懷慶平山人 二人崇禎

之末有郭金輝三原人 盧錫瓊廣東人 駱方壘永嘉人 王之





勅諭諄諄誥誠其時大法小廉在臨則有杜瑛雍正元年任新安歲

貢孫琰雍正二年任劉國琮雍正五年任胡南藩雍正

六年任星武紹周雍正九年任宋嵩嶽雍正十一年任

子進士偃師進士凡六人我

皇上軫恤民隱澄叙官方凡在職者莫不兢惕自持以求

無負

慎簡之意此誠千載一時之會也其令茲土者則自蔣

頤秀四年任全吳開六年任歙陶士伋十一年任呂

東表十三年任方鳳十四年任周遐齡十五年任陳

臨晉縣志 下篇 卷二 三

正勳十八年任傅克欽二十四年任以至秘世通二十

九年任故廖景明三十一年任凡十人其署任者遠

不能紀近則有黃棡一十八年署馮鵬飛三十年署

傳通三十一年署三人予思國家建官典司四民官

雖卑責綦重矣况茲貧瘠之區郵傳絡繹撫恤尤難

予側聞道路之口以考前修其克副令尹名者久而

思之其不克副令尹名者亦久而唾之然則令尹一

編謂徒寄空名已乎徒有其名若無名耳况有不如無名者耶往者已矣來者猶未也懼思哉

師儒篇

予攝霍篆時見棟宇嵯峨宮墻峻巍題日月川先生書院月川者霍州學正曹端也端自霍移蒲蒲又有祠焉予調任桑泉為蒲屬邑聞昔月川秩滿報政蒲霍諸生上章乞端教育因霍奏先復補霍嗚呼生服其教死祠其神師儒之澤何入人深也至是臨之士外若鄙弁內多穎秀可教也昔者胡安定有經義治事兩齋今臨學舍亦分左右齋曰時習曰日新吾不知諸生尚有時習之功日新之效否師儒之責曷可

臨晉縣志

下篇

卷二

三

貸哉因取古今有師儒之責者著於篇重師儒以重

士也在元延祐時有賈履信見晉文公廟碑至元至正時有

孫景奭重修學校張裕見虞鄉廟碑明永樂時有石鄰阜城人若

李彬安化人范儀觀城人陳信偃師人蘇欽東阿人四人其世

代不詳矣在成化有朱信太倉舉人鍾會高安人張羽祥符人

范鵬鹽屋人在弘治有宋綸鄆州人王旻耀州人在正德有

顧養源未詳地在嘉靖有李孟賢未詳地曾光商城人吳謙

高陵人韓原湯陵人申道寶豐人張世策武功人傅希說鳳翔人

張鵬汲縣人郝希源慶都人單宗仁臨北人許儼靈寶人在隆

慶有趙國王

初州人

薛世勳

臨城人

在萬歷有張汝修

漢中

舉人嚴朝相

長治人

王繼宗

禹城人

弓邦衛

呼縣人

劉一全

盩厔人

舉人董邦輔

富平人

胡昂

成縣人

白受采

偃師人

田縉

大同人

李

儲相

崑崙人

董養中

太和人

閔繼縉

仁壽人

賈烈

壽陽人

王昌

稍

陝西人

張登高

保德人

王瑞麟

太康人

王家賓

濮州人

自元

迄明凡教諭之可考而知者四十五人訓導由明以

前無可考在洪武有孟思顏在永樂有張公度呂明

在成化有馬文魁

澄城人

在弘治有李温徐瓚

見崑山寺碑

在正德有陳鏡在嘉靖有張玕張讓董文英王鳳劉

臨晉縣志

下篇

卷二

三

繼蒙廷圭

平涼人

黃相郭希洛

安定人

單宗仁

臨洮人

黃鎧

臨清人

李承庸

河內人

王允文

東鹿人

應舉

甘州人

賈希哲

河內人

在萬歷有仇圻

潞安人

馬行仁

兩當人

郭汝安

陽城人

張

世清邵耕

吳堡人

宋應登

和順人

張秉彛

吳堡人

張桂

平順人

張鵬羽史天壽

澤州人

劉堯相

新安人

李芬

汾州人

周易

大同人

邢大需

鄠縣人

李育岐

太原人

白松鶴

太谷人

武

尚望

初縣人

李猷吉

寶豐人

王吉士

朝縣人

趙慎行

孟縣人

凡

明之訓導四十有二人我

朝立國之規模遠迹三代其教化之通乎陰陽而凝乎

萬物者厚矣陶冶而成之則尤重師儒之選其在順

治時教諭有董理太原人郭維城沈宜中大同人吳光姬

文水舉人凡四人訓導有曹光緒榆社人郭自升崞縣人白元

素陳詣太原人原如璧陽城人崔灼運司人孟以義朔州人凡

七人順治十四年裁訓導在康熙時教諭有司文鑑

澤州舉人焦映斗高平人劉芳長治人趙筏高平人李爾蓀代州人

張瑄陽曲人武鉉汾陽人盧大任汾陽人凡八人訓導有石

博陽城人趙文蔚長子人賈若瑚陽曲人牛慎脩太谷人姜純

修汾陽人凡五人在雍正時教諭有周琦孝義人陳可源

臨晉縣志 下篇 卷二 五

舉人楊殿錫文水人三人訓導張殿邦一人汾陽人自雍正

八年臨虞分縣裁訓導而設於虞我

皇上御極以來廣勵學宮累頒

訓典其所以董師儒而作士氣者備至惟時司教諭者

自趙以清九年任臨縣舉人馮仁十七年任陽曲舉人李挺二十一年任孟縣舉人

人王德讓二十二年任陽曲舉人李甚肫二十九任安邑舉人以至於

程翼道三十六年任介休廩貢楊灃三十七年任長子舉人今凡七人余

竊思士風之淳漓視師儒為消長學博長揖而謁上

官隆其禮以崇教也若乃堂鼓空鳴學之不講匪特

師儒之咎亦令之羞焉甚或與諸生爭毫末之利相刃相劇廉恥抵冒則豈余所敢望哉嗚呼讀聖賢書體君子教北瞻霍鎮西望蒲津尚有昔時正夫其人者乎典型未遠庶幾旦暮遇之

丞尉篇

臨昔有丞簿

縣丞雍正三年裁主簿天啟年裁

今僅尉可知者七十

一人

唐李轄孫方晉元馬恭祥禿綿谷兒齊澤兀魯罕明閃著林彬戰榮史勝張智陳舉李士莊郭

祥常俊李志曹英陳通張仕佐宋繼隆國聰葛銘張

彥得李信黨朝用段世寶白友良馬武楊增謝墉李

大成冉朝龍馬從書李文寬惠登科何時熙秦堯年

閔問仁遲玩玷全天德陳貴楊維柱陸履泰萬鍾碩

毓忠林思止國朝大興應元祚麻城周沘張麒麟

山陰張懋烈大城齊綸皆順治年任餘姚史應乾會

稽沈栻富平韋大倫張加慎寧夏黎養麒餘姚葉聖

裁山陰薛章宣城朱鼎燮皆康熙年任紹興錢維藩

富平張文衡黃三級上元王德滋皆雍正年任宛平

胡文達貴陽宋培仁大興吳大煉富平范洪運商城

葉青蓮山陰楊遇春儀真許稱者兩人為謂王德滋

保瓌金匱龔士英皆近時任

臨晉縣志

下篇

卷二

五

何才之難也自唐迄明湮沒而不稱者信有之近代

亦泯滅焉斯尉之不幸已然非尉之不幸也民之不

幸也夫尉雖卑其於民尤近臨之俗椎刀之末必盡

爭之令則僕僕於道路之迎送故時以委尉尉喜曰

守官之委我也益我也於是民乃服矣且民亦多赴

愬之者臨人性剝易怒明知利網所張而狡憤周作

甘蹈於其中斗米緡錢之訟費必數倍始媒孽之繼

沉擱之又從而蹂躪之及所欲既饜顛倒是非批頰

扶體以問執貧人之口噫尉如是寇民已民何稱焉

故曰尉之無稱民之不幸也然臨非獨尉也雍正八年

增置角杯巡檢統計於明九十四人明趙金趙良邱金白鳳翥

王進春劉自禮王思賢國朝旌德鮑起雲大興劉士進崇義廿士遇安福張大耀山陰金三鳳盧氏常

小臨西北素稱悍惡議者謂宜鎮以官夫若輩豈能

鎮撫其民哉抑未免距縣遠而弊益甚也縣丞自李

樅至李士俊凡七十人唐李樅明趙魁于清陳侃宋隆李哲滿謙陳文岳嵩傳良

弼紀燮孟驥路車羅顥胡燾吳晟景德章劉紹呂瑛

程榮趙鑑程雲初禎劉汝坤柯林鄭文達姜廷真雷

熙楊九澤谷遷喬張文顯劉景熙張應顯閻銓劉尚

仁蔣林李邦臣葉翼丞陳完璧董龍張官趙衡張一

龍王時昇王度黨習書景物鮮唐登懿王應元李三

聘鄭鼎寔王鎮國潘一夔謝應祝袁養棟王子英孫

臨晉縣志 下篇 卷二 二十七

九齡 國朝固安辛樂堯劉登瀛山陰吳希賢黃崗

余正言太康張棟直皆順治年任漳浦陳爾嘉華州

馮統理順天許允元南昌雷務揆宛平吳光祖寧海

張耿潯州黎達可奉天李士俊皆康熙年任雍正三

年主簿湖明以前五十八人唐程行謀宋顏太初鄭

英元也先不花張惟朴張源明葉士溫章琛李恭李

鼎宮俊陳禮李璿張信孫志王吉李鉞張廉王俊程

鸞李思忠仇良弼張之義俞德秦惠張輔丁貢潘俊

劉尚色楊潤張自成一王平張騰霄范如芝牛大儒張

元貴劉如椿張朝用歐陽璞嚴金張希鸞劉守智龔

世興馬准禮王春福王楹劉暹侯儀趙治世郭捷武

希賢張時遇驛丞十八人明葉梁邢銳李孟臣王順

天故年裁 驛丞十八人明葉梁邢銳李孟臣王順

侯良宰董思義趙瀚趙起龍棲德培王世弘威縣胡

來義山陰張如璉大興楊九經富平朱仲富金華方

之寬雍正 雖職廢尚存其名夫廉能不禁乎卑官才

八年裁 雖職廢尚存其名夫廉能不禁乎卑官才

質豈庸於下士乃拘資格而不能自振丞尉之負人  
歟人之負丞尉也王德滋宋培仁行將祠名宦矣後  
來者勉旃



武備篇

衛民之軍宜鍊害民之軍宜除臨昔有屯軍

詳雜軍記

種地五十畝守城軍三屯種軍七指揮統之隸平陽

衛有左右前中後五營阻兵安忍亂氣狡憤不受縣

官羈勒到今父老言之猶怒目標心於五營之毒害

然非特五營為害也有晉府羣牧營藩王軍也有蒲

州守禦千戶所助五營聲勢者也百里之內分六七

營又皆驕豪不用命縣官偷苟不敢言衝踣蹂躪何

施而不可嗚呼軍以衛民而害若此此明祚之所以

臨晉縣志

下篇

卷二

无

不長歟

國家懲屯軍之弊以軍田歸民裁拊捍除守備千總月

糧領於官無口分之業於是屯軍之害息然害宜息

軍不宜廢也古者寓兵於農尚已後世府兵民兵之

法猶稍近古今臨之營兵六十有五官兵也民壯四

十舖兵二十有三民兵也弓兵以衛官

隸角杯巡馬檢凡十名

快以捕盜

凡八名

介乎官兵民兵之間者也殆猶府兵

民兵之遺意歟兵有額矣典之者誰曰把總

裁守備千總後

設把總

其近而可知者如閭士奇

太原人

劉月

偏關人

謝士

鳳

汾州人

張昇

太原人

薛鳳章

太原人

兀五人

副把總者曰

外委如梁建業

蒲州人

張德繼

蒲州人

楊宗爵

蒲州人

德齡

桂奇芳

平陽人

兀六人皆隸蒲協有軍器乎曰昔有四

盔砲鎗弓箭鉛刀兀用武之器備於庫今惟在營之

器而已夫軍不在器而在兵兵不在多而在鍊韓信

能用多李廣更能用少臨之營兵雖不過百然以時

訓習一以當千謂非司戎者之責哉若夫庶人之在

官與役民之司盜者皆當使知行陣之節擊刺之術

與營兵無異而度量數稱虛寔長短之法則古之妙

臨晉縣志

下篇

卷二

三十

用具在司牧者亦不可不知

選舉篇

余始至臨過樊橋見有豐碑樹道左曰司空表聖故  
里表聖唐進士也讀荆養喬志備載唐太傅董晉行  
狀晉唐明經也唐到今千有餘年人於二公皆愛之  
重之飽聞而厭道之孰謂選舉無人哉余於縉紳先  
達有行寔可紀者既備載之列傳矣事或闕如不敢  
沒其名自唐迄金以賢良方正舉者則有柳冲天授元年授  
陳揮政和年希亮孫忱之子造之姪先世陳灝金人  
拜儒林郎三人自唐迄元以明經舉者則有羅道琮貞觀

臨晉縣志

下篇

卷二

三

董晉至德董全道大歷年晉長子仕董溪建中二年

秘書省郎陳賡正大陳庾正大陳廩正大年仲諱三子

陳膺正大陳元凱至元陳敬立元凱子累官十人以

儒士舉者明李希顏一人洪武年仕以進士舉者自

唐迄今有王顏大歷司空圖咸通高錫乾祐劉綜雍熙

劉綽淳化麻有成詳麻思誠天會戊申有成麻

秉彝皇統陳克基天德辛未賈恕大定年任張繼祖

金人年未詳狀元及第宿薛天輔延祐郭祥洪武王

光宇嘉靖胡希舜萬曆甲戌廷瓚子河南荆州土萬

州保靜軍節度觀察副使薛天輔延祐郭祥洪武王

丁荆養喬乙未歷李棲鳳甲辰歷王鼎新己未歷姚昌錄辰

壬荆祚永戊辰荆爾植戊辰韓啟泰甲辰呂雲藻辰

未王春陽新泰知縣謝敦懿乙未尚翌岐順治

主恭先順治張維鼎順治李世惠康熙謝敦臨康熙

謝陳常康熙王焯康熙姚炯康熙姚潛康熙郭

稷康熙謝牲乾隆郭璣乾隆張達永樂

人僅鄉舉者自明迄今有陳榮祖洪武張達永樂

西安楊晉永樂王靖永樂賀威永樂

同周爰永樂李昇永樂張懋永樂李樂永樂

臨晉縣志

下篇

卷二

三

癸卯宣德樊矩宣德吳純正統胡海正統

教諭郭瑄正統蔡真景泰郭凱天順劉

進成化李九臯成化焦端弘治郭士奇弘治

甲子嘉靖衛鈿嘉靖衛鈞嘉靖陳鳴羽嘉靖衛鱗

嘉靖趙廷璧嘉靖姚維新萬曆楊教萬曆郭守

辛酉萬曆王守正萬曆荆應喬萬曆姚發祥萬曆

孫汝桂萬曆樊文煥萬曆姚昌祚天啟賈前席天啟

商河郭鉉崇禎姚在朝崇禎衛應龍崇禎樊王

室崇禎郭百二崇禎李世顯崇禎賈始年順治

尚恪順治甲午王宏化順治甲午賈顯順治甲午郭翰鼎順治甲午

姚完錫順治甲午王綺康熙戊午王紹隆康熙辛酉王則虞康熙辛酉郭

鼎甲康熙甲子王念先康熙甲子朱德徽康熙甲子王載康熙甲子李越

萬州康熙辛卯謝翬康熙辛卯荆如岱康熙辛卯謝玉樹康熙癸巳王袞

康熙張師孔康熙癸巳李如白康熙癸巳趙鈇雍正癸卯

徐應瑞雍正癸卯張中行雍正甲辰謝功肅雍正丙午王先第雍正乙卯

學源乾隆丙辰姚可棟乾隆丙辰王元湜乾隆丙辰荆道乾乾隆丙辰

知縣乾隆乙卯楊洪譽乾隆乙卯王雲程乾隆庚寅凡七十人貢成均者

則有明周彬劉瑛保寧府知府楊敬慶陽府知府李煥河間府推官姚亨廣

臨晉縣志 下篇 卷二 三十三

歷章邱縣知縣樊義黃縣知縣祁蓋安州同知王厚開州判官宋智長

丞衛經劉斌宜君簿孫振德州吏目張鐸廉能吏目趙

賢張斌興化校檢任賢霑化縣丞王景山東提舉張翕鄆縣知縣吳

行儀真簿吳讓任縣知縣李銳陝西都司李宣青城訓導陳履杜玘裴

麟馬進張英青州知事程英大名知事王釗霑化主簿王鐸浦江主簿尚

恭章邱縣丞李鑑王府教授李俊通州經歷趙文開化主簿王紳鹿邑主簿郭

溥葭州訓導李柰甘肅訓導張惠湖廣簿任繼先王道典簿王輔

固始簿蕭九成經歷王琬金華簿吳執中范禮主簿吳方和

知西安經歷趙環李志成吳廷榆林教授姚進臨清提舉王珍董欽

王琦縣丞樊義經安郭憲知縣尚志河南趙崇德驗

劉瓚常韓彪壽李陽春清吳傑趙王鸞州

胡安襄劉璞張宗仁判李天資照張進磨

王鵬陳昂經李章上張孟和秦衛國主

衛錫安吳鳳訓馬馭訓王宗道教衛相富

薛思忠縣王玉圭衛士主王昱故廷瓚彙

王之官教衛官教衛鉞訓陳孟賜訓陳

宰邢王亡訓韓登雲教程克讓教王問行教

衛洛王資訓文德崔蘭教郝天澤教喬

維嶽教薛乾教楊應聘楊應禎訓胡譚富

郭萬程訓王九式教賈瓊知郭清訓王舜

民訓衛柯胡紹卿訓楊良訓張所志王九功

樊邦土張俊秀教傅商楫吳訓許希旦教

薛諫教杜純教陳九保王維翰衛泗郭學易德

謝化麟張朝重衛梓張恆同汪瀾李棲鵬謝化

荆之琮賈若魯李世文孫彩鳳衛嘉採訓

王萬基訓王肩謝化鯉呂調衷

國朝郭有璧縣張拱藻太衛運文姚二英普

臨晉縣志

下篇

卷二

三十四

孫汝棫陽曲訓導荆殿邦楊芬芳呂瑄榆次訓導許允類興縣

孫汝棫陽曲訓導荆殿邦楊芬芳呂瑄榆次訓導許允類興縣

益謙李含馨王作賓張大烈王克養韓同泰吳國鼎

姚虞杜重茂姚聯芳王新輦李桂賈龍文屯留教諭王居

謙尚尊王鶴洲王在茲巳巳歲貢郭海立甲戌歲貢孫永徽庚辰

王頤壬辰歲貢荆心芳甲午歲貢呂岐戊戌歲貢呂响戊子副貢

張其徽庚子歲貢楊若秉癸卯歲貢謝體觀甲辰副貢李如嵩知縣教諭

韓如桂庚戌歲貢許温巳酉拔貢衛樞壬子歲貢王所夢壬子歲貢

張大經戊午歲貢姚遵灼辛酉拔貢楊澤壬戌歲貢郭倬立丙寅

臨晉縣志

下篇

卷二

三

王漆辛未恩貢荆仕科壬申恩貢王鶴鳴癸酉拔貢荆燦癸酉歲貢郭

章戊寅歲貢張懽戊寅歲貢王追湛丙子副貢王宣化壬午歲貢李作霖

楊棟乙酉拔貢楊常坦乙酉歲貢林國棟戊子副貢孫思孔庚寅

楊重英壬辰歲貢荆裕慶壬辰歲貢凡一百八十八人武進

士惟王表建乙酉歲貢一人武舉十八人明胡立愛萬曆壬午

郭捷年未詳朱大定康熙丙午朱蔚徽康熙丙午孟天爵康熙巳酉謝敦敏康熙

趙振華康熙戊午沈廷熊康熙戊午張紳康熙戊午謝敦復康熙甲子

趙翬康熙甲子曹昌運康熙甲子樊成雍正元樊衛雍正

國朝

張立倫

雍正乙卯娘  
子關守倫

張夢稠

乾隆丙辰

宋偉

乾隆戊午

楊玉德

乾隆丁卯

夫古之取士者賓興於鄉獻書於朝尚已賓興

易而為徵辟徵辟易而為科目世變使然也由明以  
來尚科目然忠孝廉能德行文章之士不乏焉臨俗  
崇儉而士能文予月試生童多穎異蓋中條涑水之  
秀到今不衰願為士者無徒俸鹿鳴之會雁塔之題  
上以寔求下非名應圖芳鐘萬不朽稱三則邑乘選  
舉之志小焉者已



封蔭篇

封蔭之典欲天下為祖父者詒子孫為子孫者念祖

父用以篤慈孝育人材厚風俗也臨自明以來荆李

二中丞最顯褒逮幽靈盖世有隱德云姚僉事荆給

諫忠義獲蔭爰及雲初允哉王謙益而後封以子光宇

妻李氏有荆春芳以子州土封文林姚登雲以子維

直大夫妻張李榮春以子棲鳳誥封中憲姚維新以

昌錄晉封奉以大夫韓紹統以子啟泰封微仕荆成喬

以子祚永封徵仕衛邦以子鈿封賈蘭以子培齡贈

臨晉縣志

下篇

卷二

三七

李仲以子俊贈王萬基以子恭先贈文林郎崇明縣

謝掄以子陳常封文林姚完錫以子潘贈奉政大夫

李煜以子如嵩贈王畏佐以子鼎新李元忠以子越

即靈壽縣知縣妻王荆德志以子道乾晉文林郎

其封階有差思蔭則姚僉事荆給諫外樊文煥可

考也夫子不爵父士無世官傳有之矣而錫罔極被

無窮有績而載誼美思明其斯為天理人情之至歟

古蹟篇

臨自中條王官析於虞古蹟僅矣暇日詢父老欲選勝地往遊焉父老謂予曰傷哉臨之所謂古蹟矣周秦兩漢斯固戎馬四塞地也昔晉獻公滅魏為解梁城公子重耳濟河圍令狐入桑泉皆有城址當時秦晉屢和屢絕議守議攻所傷者吾民耳朝濟夕版而後作之傷一秣馬厲兵而征繕之傷一高粱盧柳彭衙二陵之間往來供億糜爛之傷又不一一且也郇瑕近鹽而地惡土薄水淺沉弱重腿之疾復往往中

臨晉縣志

下篇

卷二

三

之上下二千年漠然徒見野曠而原磽民凋而物敝欲問往日之顏垣壞堞而風淒草偃若或傳之矣侯不於此鑒往蹟撫今茲為吾民振窮起瘠乃沾沾遊娛云乎哉余聞而悲曰臨民之困久矣父老曰未已請言秦漢之際嘗聞孟浪之遺言晉文公於峨眉原斷秦天子氣今呼為回龍溝秦人虐用其民故六國滅而復起斯乃魏豹地也漢王如滎陽使灌嬰曹參韓信擊魏屯兵東張敗魏將孫林邀破其城淮陰侯及逢蠡西向從夏陽木罌渡軍屯於縣西十里

曰齊虜王寨

魏豹斯時也豹盛兵蒲坂塞臨晉關民日夕奔命不  
遑曰漢曰魏惴惴罔知所向魏地已定漢王滅楚都  
長安以一面制諸侯於是臨人稍間息代十傳而莽  
賊篡赤眉起更始立光武興高密侯鄧禹於邑之神  
羗堡鞠師旅而圍安邑斬樊參而定河東百有餘年  
兵革之禍再見民不幾靡遺子哉由魏晉以迄元明  
代有征戰城闔為墟所謂令狐桑泉之城韓王鄧侯  
之寨又不可復識矣方今

聖天子在上四宇敷甯臨之民得以休養生息鼓腹於太

臨晉縣志

下篇

卷二

三

平之世然地當九達驛謁交馳願吾侯體如傷之意  
以勤保恤舉欣欣然有名棠寇柏之望焉果爾則侯  
之蹟必有以異於古所云也何古蹟之足志哉余聞  
而愈悲且惕焉曰余聞父老之言得古鑒矣或曰段

雄城古也然高士耳余姑舍是

段雄城縣東北二十里舊志云即段干木

不知何據又曰蘆花散人墅

在五姓湖濱襄垣王子峻襟所築

古也曷往

遊焉予曰今之湖非昔之湖矣半淤半涸不瀦不田  
從上游議䟽濬使民得菽葦利可也若夫渡蘆花採  
蓮葉把釣浮家與沙禽往復則豈司牧之所有事哉

願後之官斯土者毋起榭以爲高明毋造舟而流上  
下湖昔有臺榭盡舫庶幾不爲靈運之病民而陸稼書古蹟  
貽害之言可於斯湖無與也

沿革篇

臨晉古張國謂黃帝臣張若所封渺已當雷首北唐

虞夏冀州地今猶勤儉陶唐遺耶桑泉者春秋所謂

秦伯圍令狐入桑泉者也或曰桑落泉可釀酒潘縣

尹名士於泉兒杜村得甘泉即以為桑泉皆好事之

所為有謂泉可䟽鑿資汲既則惠泉也秦漢迄晉桑

泉屬河東郡為解縣春秋時晉獻公滅魏以其地為

號潞解水去多後魏分南北解臨北解也至後周不

改隋開皇復古桑泉併猗旋析之唐高祖罷河東為

臨晉縣志

下篇

卷二

四

蒲州析桑泉為溫泉復合之貞觀時桑泉屬河東道

蒲州天寶命名臨晉五代宋金如舊元世祖省虞入

臨

國朝雍正八年復置虞鄉以涑水南北為界今臨晉也

命名之義聚訟紛紜備載雜記余考平陽唐晉州也屬河

東道臨者臨此而已或疑焉余豈能起天寶時人問

之

災祥篇

國家綏萬邦屢豐年惟臨濱河距涼鮮豬洳丙午戊辰

災

雍正四年水乾  
隆十三年旱

談者駭焉明二百餘載旱十有一

水四蟲四疫三雹二震二

備載  
雜記

邑繁多浸甚以闖趙

虞張獺毆鷲攫

詳雜  
記

憊已夫災祥非麟遊鳳至日蝕

星孛之謂風雨時年穀稔祥之大也水旱警盜賊訐

災之大也休徵咎徵在人返蝗馴雉伊誰哉

方音篇

管子云五方之民其聲之清濁高下各象其川原泉  
壤故其音不能無偏四聲以平為悠揚入為短促臨  
之方音惟入為多兩之謂畧也三之謂喪也長之謂  
綽也短之謂促也房之謂縛也羊之謂藥也驚之謂  
結也墻之謂雀也輕之謂慊也名與明之謂覓也皆  
以平上去訛於入者也而平之訛於入尤甚蓋其性  
褊急故一矢口而即造其聲之所止言為心聲信哉  
或曰子將正其音乎予曰無庸古有烈山氏無厲山

臨晉縣志

下篇

卷二

聖

氏而祭法曰厲

祭法厲山氏之有天下也

古有伶人無冷人而左

氏春秋曰冷

左傳晉侯見鍾儀問其族曰冷人也

四聲之訛經傳不免

况蚩蚩者乎有四聲於是乎有七音於是乎

有三十六字母齒牙唇舌輕重上下之間各得其音

之所近如臨人船曰樊牛曰歐墨曰木之類是也其

有事同實而異號物異名而同情者街談巷說耳濡

習傳往往不戾於古長謂之眺廣韻集韻皆以長身

為眺也短謂之蓮唐書王伾傳伾貌蓮陋多曰够少

曰不够魏都賦云繁富夥够不可殫究集韻云够聚

也親家曰親去聲家唐盧綸詩亦以親為親去聲也盧綸賦王

駙馬花燭詩人主人臣是親家小兒曰孖兒集韻云吳人以赤子為

孖孖南北通稱其來已久飯曰一頓增韻云食一次

也世說新語云襄陽羅友嘗伺人祠乞食往太蚤主

人問何得在此荅曰聞卿祠欲乞一頓食耳責人曰

數說左傳云乃執子商而數之若夫厚交曰燃板拚

死曰顛頭崗陵曰圪列之類無音可釋無義可明懵

然而哆有令人聽之而生迷惑者蓋臨自秦漢以來

內史三輔而外以河東為首郡當時逼近西京語言

臨晉縣志

下篇

卷二

四

文字猶近於雅自永嘉南渡五部分居音之變易彌

多矣陸稼書有言曰今之仕者皆東西南北之人語

言未通何論人情焉予思民隱之悉於上必言語以

為之階尋時不繹而通之故值訢謁而茫然莫解彼

訢其寃者如訢於夢夢之天謁所欲者如謁於冥冥

之鬼神漫聽漫應問荅訛舛民雖以貌相承而心不

服甚者傳為戲談即有留心民瘼反覆而究詰者一

話一言必周咨於胥役以曉其意亦不勝其瘁矣予

升廳事凡士民童婦所云云皆令吏承載筆而哀之



時檢校之分爭辯訟較初蒞時損力過半而閭閻眩  
隸亦稍得傾吐然則方音之志豈好事哉後來君子  
其亦有涉乎此也

臨晉縣志

下篇

卷二

四十五

職官列傳叙

或曰子之傳職官也有褒無貶何也曰志之義稱美不稱惡與史異也夫子作春秋據事直書而善惡自見則史亦諱其惡矣世之為志者罵豫訕侮後

臨晉縣志

職官

叙

一

嗚呼當謂直道在人乎此不顧而唾也余所見孫頻陽志富平呂涇埜志高陵皆其性氏而善惡竝紀焉雖不似他志之肆口而於志體尚有疑頻陽負廬介之性情果有胸中氣

家居著作想皆立躬之軌範字  
淫野子天性冲和以道學自任而  
稱惡焉與潁陽皆懲前創後  
之義猛古人善之欲長惡之欲短  
君子居其邦不非其大夫忠厚  
之道固如此且曠引古概於今

皆儆也斤以直指毋乃伯夷之  
隘乎握一管誅予千古臭平  
使孝子慈孫百世莫之改君子  
傷之也然而後之官此不可不  
祝此而加儆

